

Sporazum sa MMF-om od izuzetne važnosti



Visoki predstavnik i specijalni predstavnik EU Valentin Inzko sastao se danas sa predsjednikom Vlade FBiH Mustafom Mujezinovićem. Ovom prilikom, razgovarali su o svim aktualnim pitanjima, sa posebnim osvrtom na ekonomsku situaciju i aranžman sa Međunarodnim monetarnim fondom (MMF).

Premijer Federacije BiH Mujezinović upoznao je visokog predstavnika i specijalnog predstavnika EU sa rješenjima potrebnim kako bi se dogovor sa MMF-om realizirao. Visoki predstavnik i specijalni predstavnik EU Inzko je tom prilikom naglasio važnost ovog aranžmana i potrebu njegove što skorije provedbe te izrazio punu podršku premijeru i Vladi FBiH u smislu ispunjenja zadataka koji proizilaze iz ovog sporazuma.

Visoki predstavnik i specijalni predstavnik Valentin Inzko je pozvao premijera FBiH Mustafu Mujezinovića da ubuduće učestvuje u redovnim sastancima oko pitanja u vezi sa Evropskom unijom, na kojima se razgovara o rješavanju konkretnih prioriteta iz Evropskog partnerstva, Sporazuma o stabilizaciji i pridruživanju i liberalizaciji viznog režima za BiH građane.